

Carnaval

Apreciable redactor,
Permitimi un espacio den bo corant tan lesa aki na Aruba. Mi kier a duna mi comentario personal tocante nos carnaval. Mi a caba di lesa den corant cu "Tivoli" a sali for di Carnaval y carnaval a sigui crece. Awor e grupo di "Flemming" kier sali y cierto hendenan kier meen carnaval no tin mester di nan. No way, wel laga mi bisa algo, cu ta hopi hende kier bisa of skirbi pero cu no tin guts pa haci of no tin tempo pa haci.

Por ehempel, esaki ta pa tanto gobierno-Sac y otro instancianan concerni. Antes semper carnaval tabata pasa den Wilhelminastraat, Nassaustraat y Emanstraat y despues bay caba banda di park. E ruta ey semper tabata bon pero door cu comerciantenan a keha a worde dicidi otro.

Mi ta haya cu carnaval mester tuma e mesun ruta ey y bay caba banda di DOW etc.

Si e comerciantenan ta haya cu nan lugarnan lo sufi daño anto nan zong pa nan protege prome cu carnaval. Esey ta nan problema ya tur hende tin e mesun chens di mula cu nan icejag parasol cuminda etc.

Pasobra esunana cu no tin trailer no tin chens di para dilanti di trailer di otro hende tampoco pasobra cu nan lo haya nan cu problema ya cu e hendenan aki kier para den nan trailer y dilanti di dije.

E ora nan mester bay para te pabaonan aya caminda cu ora cu e parada yega ya tur hende ta cansa y burachi etc. No cu mi kier meen cu e trailer nan mester worde kita "No."

Laga e hendenan organisa jump ups toca bula bebe etc. E cos ey ta great y tin hopi ambiente prome cu carnaval. Pero e no lo ta bon pa parada Esey ta mi opinion personal.

Nos carnaval ta cabando na nada. Ami cu tin hopi tempo ta toca den parada anto por nada sin interes solamente pasobra

mi ta gusta ta mira cu bo no por haya tocado pa toca.

Pasobra tur hende tin trailer yen di bebida, barbeque pit, musica, etc. Nan no kier bay den parada mas, ni toca, pero nan kier mira un carnaval grandi nechi y cu hopi musica si.

Otro cos cu mi tin entendi cu ta pavia di Milo Croes "Tivoli" no ta den carnaval mas. Wel Milo si bo no por reconcilia cu Tivolo pa e bini back den Carnaval laga nos sa kico ta e problema y si bo por resolve prome cu ta laat. Anto si bo no por anto a yega tempo pa bo baha y duna otro chens cu si por deal cu nan.

Pasobra locual "Tivoli" a yega di trece den carnaval y cu mi wowonan a mira ta asina great compara cu e carnaval cu tin awor aki.

Carnaval a cay hopi mes. Tin hopi hende ta bisa cu carnaval a crece ta pasobra nan no a conoce otro lo ta.

Si ta ami ta Milo lo mi roga Tivoli pa bin back y busca manera pa motiva mas hende di awor aki caba pa celebra carnaval. Mi kier meen bay den parada of toca den parada.

Otro cos cu ta masha importante "Laga e mini carnaval aki pasa anto pone otro aña te na April-Mei of Juni despues di cuaremsa pa duna tur hende un chens di prepara bon pa carnaval. E argumento di Milo cu ta tradicion pa carnaval prome cu cuaremsa ta bisa awor no tin cuaremsa mas pasobra si bo tende na radio djies bo ta tende cu na Visage of Scaramouche tin fiesta pa cera temporada di carnaval, anto corda cuaremsa a cuminsa caba. Kier meen coy loco.

Awor aki e hendenan no tin tempo pa traha nada ta poco porkeria nan ta canta tanto tumba calypso y trahe nan di carnaval of carosa. Mi no tin nada contra e cantantenan pero nan mes sa cu nan no tabata tin sufi-

ciente tempo pa train algo mihor. Bon ta haya berguenza cu e aña aki no tabata tin ningun carosa den parada. Ta friek pa bo wak un parada cu tabata asina luhoso y grandi manera nos tabata tin caba na nada.

Awor promer cu mi termina please corda saca e reina grandi trempa pa nan por tin chens di traha un nechi carosa pe



Remitido

anto tur e otro reinanan tambe bin ariba nan mesun carosa drecha chulo chulo...

Anto esaki ta pa Tele Aruba ora bo ta filma Carnaval corda cu no ta nos Arubianonan so lo mire. Si bo ta wak cu tin un gap anto paga bo camera anto warda te ora e otro grupo yega cerca cuminsa filma atrobe. Ta freak pa wak con e filmado ta filma asina un buraco grandi pa nos bisiñanan haya a cos di

critica. E cos aki mi ta mira un par di haña caba.

Mi ta spera cu Milo of Tivoli lo baha cabez pa Tivoli tin su Lithing parade y nan join den Carnaval 35 pa nos Arubianonan sintinan mes great y orgyoso.

Danki
Un Arubiano cu ta stima
Aruba y Carnaval

Kico un Gobierno lo mester nifica pa un Pais

Gobierno ta e organo di mas halto cu hopi bez ta worde forma door di cierto partidonan politico, cu lo mester percura di nombra nan candidato nan pa sirbi e pueblo manera debe ser na un manera husto y corecto, y esaki ta encera na tur e promesanan cu e partidonan a hiba den nan campaña promer cu eleccion.

Si acaso bo no por cumpli cu tur e promesanan cu a worde priminti na e pueblo anto trata di cumpli maske ta cu algun di nan, pasobra ta ora un gobierno demostra cu e por cumpli lo e keda haya confiansa di un pueblo. Gobierno ta nifica un aparato cu mester por crea trabao pa su pueblo y muy en especial pa nos hubentud. Y semper duna e chikitonan e balor cu nan merece ma no den forma di un favor, manera si ta e caso di e oportunistanan anto e ora ey nos por papia di igualdad.

Ta bira tempo pa un gobier no cambia e sistema di castiga e chikitonan djies pa cumpli cu gusto di e egoistanan. E gobernantenan mester ta capaz pa demostra kico ta igualdad y democracia di un pais, igualdad ta ora un gobierno ta pidi su pueblo pa hala faha mara y na e mes un momento e gobernantenan tin cu haci mes cos. Locual cu nan tambe ta gana nan mester por ta honesto di reduci nan sueldo na mitar como un bon ehempel pa un pueblo cu ta bo sacrificio so e mester sigui haci.

Democracia ta ora e gobiern no ta respeta opinion di cada un persona cu ta biba ariba e pida baranca aki. Pasobra un hende por ta chikito den tamaño ma si su naturalesa ta obligele di manda un reclamo hasta pa un mahestad ta su pleno derecho, y ora un pueblo kier duna reconocimiento na un luchador cu a merece tur sorto di trono, gobierno mester por sa di respeta e pueblo su opinion na un manera masha corecto mes.

Nos mester ta capaz pa duna balor na esun cu berdaderamente merece ta asina. Nos tin cu demostra kico ta democracia na un nivel hopi halto, gobierno ta un aparato cu mester establece tranquilidad pa un

pais y mester tin gobernantenan serio cu por salvaguardia tur nos bienenan y nos costa nan cu un mente hopi sano,

ta pesey for di awor aki nos pueblo mester cuminsa concentra ariba tur e politiconan cu straight bay ta sigui haci promesanan cu nunca ta na favor di esnan chiquito, pasobra tur esnan cu ta priminti ta puesto so nan ta sigui busca pa nan propio bienes y ta pesey te ainda e masa chiquito no por papia di un gobierno cu lo a haci nada pa nan banda.

Pasobra nos poblacion a bolbe bay cuarenta aña mas atras especialmente e masa chiquito cu masha poco lo

tin algo di nan mes, ta worde vigila fuertemente pa cierto

rederonan cu ta hiba y trece pa e grandinan por haya actua contra e chikitonan.

Mi shonnan carga pasenshi nos pueblo no ta drumi mas.

Un yiu di e pueblo aki
H.E. Orman



TELS.: 26747-22207-35026

Carnaval

Relaciona cu e remitido cu a sali publica den DIARIO 16 di Februari 1988 pagina 23 caminda e remitido ta cuminsa cu cabez "Paga tino cu esnan cu ta haci negoshi cu celebracion di carnaval". Den e remitido aki tin skirbi cu e palabra pen... a cay, pero e persona no tabata kiermeen e hendenan di Sta. Cruz, esey no ta cuadra cu locual a sali den e remitido.

Tambe cu ta un doño di dos radio emisora aki na Aruba ex-politico y ex-diputado no ta berdad. Mi a entrevista Sr. Tico Arends di B.J. Arends &

Sons di San Nicolas.

Mi no por laga esaki pasa debi cu si un persona no ta involvi den e asunto aki ta Sr. Albertico Arends di "Voz di Aruba y Canal 90". Mi ta spera cu e persona cu a manda e remitido aki lo por keda mas satisfecho awor cu mi a reacciona ariba su remitido.

Mi no sa ta kende a manda e remitido aki, mi ta laga esaki den man di Sr. Albertico Arends mes pa averigua ta kende. Di antemano masha danki.

Persey Jeandor



ARUBA CONCORDE
HOTEL-CASINO

URGENTLY REQUIRES

- Life Guards
- Beach Boys
- Cooks
- Waiters
- Cleaners & Housemen
- Maids
- Gardeners
- Laundry Attendants
- Laundry Washers

Aruban Residents are given preference.
Apply in person at the Personnel Department
Monday through Friday 8 a.m.-4 p.m.